

本館開設上海三馬路卽漢口路第十八號門牌德律風一千五百九十六號蘇州揚州漢口杭州鎮江南京溫州一應大埠均設有分館以便就近購取

申報

論前告白一百字起碼多則以
十字遞加每日每字暫取刊資
洋銀一分後幅長行告白二百
字起碼短行告白五十字起碼
多則仍以十字遞加刊資仍照
前例

西曆一千九百六年
二月十三號禮拜二

第一萬一千七百八十八號

費寄州酌近遠照準外

德裕當舖衣出售

本館特別廣告

中俄條約現正開始會議此約為日俄戰局之結果而日俄開釁出於二十七年中俄會議收還東三省未成後俄人要索無厭所致是當日政府派楊儒與俄人議約一事實為今日中俄議約之遠因本館竟得是案始末名中俄會商交收東三省全案備載楊使與俄戶外兩部面商日記及政府與各省督撫商議各要電為外間未見之本自十一日為始逐日登出以供留心時事者研究閱報諸君倘祈注意

鐵路官辦民辦平議

聞之日本法學士岡實之講義曰此時中國鐵路尙說不到國有民有惟有集股自辦之一法吾初聞其言嘗怪其自辦二字語太含混繼而思之鐵路為全國生死之所繫我能收還自辦姑無論其由官辦由民辦皆能分清其國界聲明其權限利不外溢固無所容其區別者也將歸人民辦乎一般社會向視鐵路為無甚關係欲其投資殊非易事然或鑒於路政之重要官場之糜費躍然興起主張商辦以湊集巨股為戰勝之後盾吾警香祝之無多言矣將歸官吏辦乎以數千萬之極大工程落於督辦總管委員諸人之手其從中侵蝕據為利藪原亦不敢斷其必無然官場雖有弊害究其極端要不過多煩經費已耳於大局無甚礙也故官辦也民辦也自其路權之未經收還者言之固無所容其區別若其初外人承辦而其後能達其自辦之目的者則官辦民辦一問題不可不一一研究之今試從理論上求之則官辦民辦利弊相因者也主張官辦者曰鐵路為自然之獨占業不能放任民間專利若私人獨占必以營利為目的且購買地址等事非得官吏之扶助尤有多方阻難之處果由民辦則他日路成而後則國家於政事上軍事上經濟上將有大不便利者此以官辦為利民辦為弊也主張民辦者曰官辦則徒以紀律束縛用財不如人民之節省治事不如人民之周密彼此交付不如人民之親切且國家事多費煩於鐵路萬難普及不能普及必獨占之由官造築則社會經濟上之發達將有因此而阻礙者此以民辦為利官辦為弊也歐西學者於此問題紛紛聚訟各有其所據之理由以為利則皆有利以為弊則皆有弊吾亦何從而解決之也雖然吾又從事實上深求之則官辦民辦要自有階級之可尋也大凡東西各國之鐵路其初雖為民業後來多改為官業除英美西葡主張民有外自餘若普則一八四七年奧則一八七十年改行官業主義法則一八四四年始確定經七十餘年乃竟將全國之鐵路盡

行買收即日本京濱鐵路明治初官民合辦此外民間私設之鐵路滿二十五年後政府得有購回之權著為律令據此言之開辦之際可令人民認辦事定之後仍應由官購回是彼中路政之通例可為吾國所仿行而最適宜於今日之情勢矣若官民意見橫生齟齬風潮發現貽笑外人誠不知吾國之何以善其後也故今日辦法當以有才與財二者判決之不當以官權與民權二者爭執之使官吏有才與財而民無之也則專歸官辦可也使人民有才與財而官不及也則先從民辦可也又使官民而皆有才與財也則官民合併與辦猶其無不可也嗚呼粵漢集款官紳大起衝突粵東輿論已羣有感情之情矣而他省鐵路權在外人欲求如粵東之官紳爭執而尙在不可得者吾不知處此境地其感情果又將何如耶

俄國提出之中俄協約條款

○十七日北京電云俄國提出之中俄協約各款除日前電達各款外尙有兩款一松花江一帶之森林業須由中俄兩國合辦二俄國前在烟臺被日軍捕獲之驅逐艦一艘及營城灣沈沒之水雷艇一艘當由中國賠償緣此項損失皆由中國不能嚴守中立之故云譯字林報

俄使之秘密運動

○十七日北京電云俄使璞科第曾由華俄道勝銀行提取銀九十萬兩開係用以運動中國官場者譯字林報

中俄協約之困難

○十七日北京電云此間明察之外交家皆逆料中俄協約必致含糊了結蓋中俄兩國提出之條款皆難於動和也譯字林報

法人經營長江航業

○聞漢口法商某洋行自購江輪二艘專駛長江各埠漢口碼頭棧房刻已預備該輪二月初即可到漢試行倘有餘利再行添購云

法教士不悅於宜城縣令

○聞日前法教士某云襄陽府宜城縣楊文勳有意與教為難遇有訟案每極力抑壓教民云

禁掛洋旗

○京漢鐵路一帶各車站行棧不下數十家類皆懸掛法旗事為鄂省大吏所悉特諭江漢關道繼運溪觀察言洋商在內地不能開設行棧照會法國駐漢領事如約禁止並自出文告曉諭商民知悉

鐵路局勇與英巡捕之衝突

○十四夜鐵路局勇在華界地方不識何故與漢口巡捕房華捕兩相扭毆華捕將該勇拘至捕房管押局中人大動公憤即將華捕拘於鐵路局彼處此大起衝突不知若何了結也

鄂督奏陳粵漢鐵路辦法情形

○據省

場消息云粵漢鐵路收回自辦事鉅任重張督本具苦心而三省京官紳商是非各半上年黃昌年尹銘綬等具摺奏參日前有鄂督已將先後情形及辦法一切縷晰奏陳洋洋已數十萬言有指片竟至七八件之多云(功)

與商人提議路事踴躍認股

○此次鐵路集股已有端緒昨十三日各紳商仍集總商會提議路事黃君詔

平因接汕頭來函亟須摒擋往汕不暇到會遂由羅君關石宣布宗旨擬暫借商會為鐵路辦事公所其經認股分應定期限先交小股銀衆議准二月初一開收至籌辦鐵路議員及常川駐所辦事書記各員則由七十二行公舉俟二十日集議決定惟是日認股又增數十萬合前已不下五百萬元之數且多有認股後即交小股者商會不得已乃權代收下條款如左 第一條議公舉總商會總辦會辦

第二條議暫借本商會為鐵路辦事公所 第三條議公舉籌辦鐵路議員及常川駐所辦事之員及書記 第四條議現在總商會文案劉姓與情不洽應否留席 第五條議認收小股期限(認股者二月初一起限至十五日為期招股者二月初一起至閏四月三十日止) 第六條議督辦路政總辦二十日再集議 又議本商會辦事不止一人所有辦事各員請預定日期公舉 第七條議舉定何處收銀 又一問題議舉黎季裴為總辦全數鼓掌贊成士絲行凌浩如為會辦羅關石為坐辦皆鼓掌稱善遂決 二問題照原議決 三問題由各員選定辦事員二十日再行定議辦事各員暫不給薪水 四問題原文案不洽與情宜另舉充 五問題照原議定奪六問題二十日再行集議 七問題議定廣濟廣仁愛育述善崇正各善堂為分收股銀以便就近送交又聞是日已將集股情形電稟商部矣(米)

九誌粵省官紳因籌路政衝突事

江督調和官紳商之電文

○許筠帥諸紳鑒昨得雲帥電謂梁黎本無嫌怨因其辭卻官局力主破壞集議日井不籌商辦法一味慢罵致將議協之台砲經費敗於垂成不得不據實奏參而原奏仍聲明該革紳等如能悔悟遵辦當請開復黎雖經看管如有紳商來保即行開釋但期無礙路政固無意見於其間又晦若電此事雲帥本無成見但期款集路成由紳董具保即釋各等語當事者既以路政為重若官紳齟齬何由集路何由成公老成碩望粉鄉推重若能剴切紳商共維大局協議籌款稟由雲帥札黎仍辦局務似無不可或由七十二行公稟呈詞仍請梁黎出任路事概歸商辦官但考成則雖怨盡釋上下交孚弟為大局起見仰懇大力維持黎為衆紳請命當不以前事為辱覆叩(寒)

江督電傳武備畢業生回甯候差

○蘇州

甯垣武備學堂畢業生甚多雖經陸續委差尙數有百人空閒無事近日各畢業生知蘇垣整頓兵學需員差遣遂相約來蘇圖謀差事新正以來陸續到蘇者已有二百名左右然皆私自來蘇江督周玉

帥聞而大怒立即電達蘇撫囑為轉諭各生迅速回甯候差倘再逗留蘇垣定即查開姓名通咨各省一體扣委春帥得電後已傳諭遵照矣(永)

徵兵局示禁假冒徵兵

○揚城徵兵局方

恭領訪聞近日頗有假冒征兵在外生事恐有碍本局名譽特發出告示多張略謂本局徵兵均係按照定章慎選安分良民或官族世家後裔一經入選無不恪守紀律至江南新軍徵兵間有因年假來揚者該兵士受教已久更能循守軍律近聞外間頗有冒充征兵及仿照征兵裝束者橫行於市自示之後無論真偽均准被擾者扭交來局即當訊明嚴懲不得挾嫌誣指云(趙)

蘇撫示禁游勇札文

○為札飭事案據常州

府許守呈鑒稟稱竊卑屬武進江陰靖江三縣地勢濱江平日匪徒私梟竄伏尤易所賴江陰防營分紮各處以資鎮懾自改練標兵裁汰老弱給發恩餉派輪送湘乃各裁勇甫由此輪載回旋附彼輪南下現在逗遛於沿江地方及常州城廂內外者為數不少或尋舊識或設烟寮卑府密使覘察動靜其怨咨之意溢於言詞酒肆茶坊時有滋擾轉瞬恩餉罄盡投効無地欲歸不能終且流為匪盜此必然之勢也卑府前已出示曉諭並飭縣遇有滋擾即照游勇拿辦窩留之家一併究懲恐若輩在營日久藐抗性成府縣告示未必警心惕目擬請憲台嚴切示諭編貼沿江各府州縣如此項裁勇逗遛滋事准照游勇之例令地方官一體嚴拿併責成沿江標統認真拿辦不准留防各營私自借宿俾其無所托足聞拿遠屬庶幾弭患未形似於地方殊有關係等情到院據此經本部院撰就式札發官書局飭匠刊刷去後茲據該局刷就呈送前來除咨明外合將告示札發札司即便頒發各屬一體張貼曉諭具報並飭各該地方官會同營汛隨時查察遇有此項裁勇逗遛滋事即日嚴拿懲辦毋稍疎縱一面由司移會督練參謀處分飭各營禁止在營弁勇不得私與交通匪類以免底匿切切特札(接)

派員駐防象山

○鎮江

當道現派常備六標第三營周錦堂協戎督率弁兵前往駐防以資鎮攝(拜)

各府縣巡弁須由警察學生派充

○鎮江

江蘇各處所辦巡警大致有名無實刻經省憲札飭各屬均一律限期整頓所有巡弁皆由省垣警務速成學堂畢業生內派充以期教練得力十六日鎮郡當道已奉到此札矣(特)

縣令拘賭被窘撤任

○富陽縣東門外貢郭

市集之某士著家開場聚賭為典史某少尉所聞向索規費不遂面稟縣主董翰青大令立即乘夜率兵駛往掩捕各賭徒羣起抗拒拋石毆傷兵役數名正為難時幸有汎弁駛至眾始紛紛散去大令回署據情詳報各大憲嚴拿各賭徒欲治以聚賭拒捕恃眾辱官之罪

適有鄉民因是夜聞事時有多人受傷并孕婦墮胎先後殞命聯名赴省上控省憲以案關人命懸牌先將大令撤任調省某少尉發押聽候集訊未識若何定讞也

上控瑞昌縣不親身相驗命案

○近來瑞昌縣所出命案某大令均不親身詣驗僅委典史代往以致滋生弊端現各屍親均以大令縱容差役藉端搶掠等詞紛紛赴省上控恐某大令難免因此撤案矣

電請展解內務府經費

○浙省奉到京電飭速籌解內務府經費當奉張帥查得前曾由關稅項下提撥因即通飭杭甬甌三關道分認籌集旋據覆稱稅款已早指定歸償各國洋款萬難另措後帥據情電覆并乞展緩時日或能洋款減少關稅有增財政稍裕即行投解以應要用

中俄商交收東三省全案

光緒二十六年十二月初二日午後五點鐘奉陸徵祥往晤俄戶部大臣維特塞館畢 維云貴大臣曾晤見外部否 楊云前日晤見 維云外部有何話 楊云外部稱此次商議之事東應設之話甚少所有條款均係貴大臣與兵部之事 維云不謂由我俄國送外部再由外部酌改 楊云各款與前貴大臣所口述者想已大為核減 維云無甚改動各款係分兩事一設法令中國將來不再滋事一將鐵路擬將鐵路左近金煤各礦利益抵賠 楊云前貴大臣口述各款中並無將金煤各礦利益抵賠所擬鐵路之說何忽增此款 維云我口述之款本非擬定之稿所以增此一款因恐滿洲利權侵佔未免太過須知滿洲之事實關中國大局而前所稱俄在滿洲辦事如此恐英德法日本各國亦將分指地段如法仿辦今接李中堂來電所見正與我同且云英德新約均有如他國另案利益一體均沾之語不可不慮我所以一再申請貴國須在滿洲做一好榜樣免得他國藉口 維云我即本此意擬稿看重貴大臣屢次而告之語將條款減而又減 楊云簡放將軍由貴國酌定及派員稽查等條務必減去 維云此致不便減去 楊云如此仍是以布哈爾看待滿洲中俄友好何如他國在他省亦援案而行何事體 維云照此說來一事不能辦矣倘若早如此辦法則不致有此番變故至派員駐劄實與中國有益如遇諸俄工肆無忌憚可由該駐員查察且駐劄在俄辦事並非稽查亦如貴大臣在俄辦事一般 楊云情節迥然不同貴大臣在俄國使臣駐京係禮尚往來之意如貴大臣言則中國亦可派員駐俄各國皆宜查矣 維云如中國亦在俄租地造路本國必允中國派員稽查 楊云恐中國鐵路入俄國境內貴大臣已未必肯允 楊又云李中堂電中又稱據日本公使面告云各國均注意俄在東三省舉動渠接俄都友人電稱據俄戶部大臣而告俄無意佔滿洲地方並欲撤退俄兵決不食言惟俄須留兵保路則兵數年期均須明定限制否則交地亦有名無實等語此可見日本留意滿洲之事以為效法地步 維云我曾見日本參贊一次彼問我滿洲之事我告以俄並不欲佔地惟該處利益當設法保護至保路之兵為條款內最重大者前曾勸貴大臣可以向外部分力爭即此意也 楊云滿洲兵部不允猶費大臣之着重利權不肯稍讓按公法凡國之兵權利權派官之權三者損其一已係有損自主倘如口述各款則三者之權一旦盡喪與貴大臣與外部屢次所稱保全中國自主之言未免相背又貴大臣與外部屢稱不利中國土地忽牽連遠古地方及中國北省不准中國自造鐵路不准以利益讓與人竟若非中國之地不由中國作主未免太不為中國地步太不留中國體面我非謂所費產業不必賠償所慮後患不必慎防凡此本應互相商議一妥善久長之計惟貴國既允交地總期實在我兩國交好數百年毗連數千里以後交涉正多所宜通籌全局不計目前小利此為貴大臣計也至我為中國利益我自應多爭一分是一分方為無愧我心方為不負使職倘遷就誤事不但中國人睡罵即在貴大臣亦不必看重

此不忠不義之友我來此數年謬承知愛倘望將我言細想為我代計何如 維云貴大臣之言極是我深悉貴大臣之地位難處 楊云貴大臣既知我之地位難處何以尚與我為難耶 維云我所謂貴大臣之地位難處緣中國情形到此地步故也中國既敗之後處必敗之地如貴大臣而議不成貴國再派人來商戰日持久俄兵久據滿洲恐於貴國大有損於俄國毫無所失 楊云貴大臣向重都交務望代中國籌畫中國到此地步悔已無及 維云吾輩辦事各為其主我亦當為本國籌畫然後為貴國籌畫中國既有此變欲防後患不得不現正擬約稿可讓之處自當竭力相讓 楊云李中堂電稱增將軍與阿提督所訂暫款係一己革道員與一俄國委員訂定該革道員自謂押並未請示將軍將軍亦並未奏明政府政府全不知情現在政府欲信其不以所訂之款為然因增將軍委用非人已交部嚴加詰問等語可見所訂之得實是該革道員擅行妄訂不能作數 維云該款業已畫押須由兩國政府批准未便中變貴大臣之言甚為詫異 楊云凡兩國訂定條款總須兩國均以為然方可成國今增將軍阿提督所訂之款中國政府非但不以為然且事前不知現該革道員亦無畫押之全權該將軍並未奉命於政府已先不合議事之例並非政府允許而後更變故可不批准 維云既不批准當時何必互定俄國政府不能將已畫押訂定之款無故廢廢 楊云中國政府並不以此為畫押訂定之款縱會商之期未奉訓條故也假使俄員在外未奉訓條擅自畫押未知貴國政府能作數否 維云俄員未奉訓條決不畫押 楊云此係委員誤事必予應得之罪然我疑該員或為俄國所逼當時或不得不允又與北京消息不通 維云我想決無此事 楊云無論如何各款總不能作數 維云待我細思再定辦法言畢握手而散 以上為第五次會議情形 未完

滬道定期接篆先聲

○聞新任江海關道台瑞莘儒觀察有定期出月初三日接任之說

滬道交卸後擬請假省墓

○昨得官場消息現任滬道袁觀察於交卸後擬稟請督撫憲給假三月緩赴臬署以便回籍省墓

美議增兵於小呂宋

○十八日倫敦路透電云得華盛頓報告美國陸軍省參贊塔夫脫君請元老院增兵於小呂宋以資防禦並謂後日或須派兵前往中國云譯字林報

南非亂事餘聞

○十八日倫敦路透電云南非洲利得地方之土人為抗損事我警察曾調兵前往彈壓悉悉納得前相之意謂此次亂事無須求助於英國皇家兵隊之力以資彈壓云

海軍提督受傷

○十七日倫敦電云有一婦人在黑海艦隊之海軍提督署內將該提督擊傷防護兵即撤時將該婦人擊斃

俄法商約難成

○十七日倫敦電云法國公會提議之俄法商約一事法人頗不滿意謂法人雖優待俄人借以國債俄人並未見有相當之酬報故俄人續議借之款須俟俄人退讓後再定譯字林報

美議院改非律賓稅則

○十七日倫敦路透電云美華盛頓之代議院已將修改非律賓稅則之事議妥嗣後歐洲之棉花稅應須增加云譯字林報

德法兩國意見之不同

○十七日柏林電云德政府之意見謂摩洛哥交涉德國將阿勒支西拉斯會議停止而不願法國獨得摩國警察權法人則不願或將戰端即對於摩事亦然並謂更不欲與德國開戰譯德文報

英政府之情形

○十七日柏林電云英國政界情形較前大加更變蓋現在之自由政府不若前此聯合政府煽動法人之甚也譯德文報

英新艦試水 ○十九日倫敦路透電云英國新造之大兵艦索蘭特諸脫號已由英皇親視試水該艦之組織為有鑒於日本艦隊戰勝之故

哀爾蘭要求自治 ○十九日倫敦路透電云哀爾蘭人曾在持新林會議謂英國若不訂立哀爾蘭自治規則哀爾蘭人將不能稱為英人云譯文匯報

大日本東京津村順天堂大藥房告白

愛婦女之人者不待言

世上有母有姊妹有妻女者 請賜覽此告白方知日本有靈藥中將湯也



子宮諸病

肚腹疼痛腰腿拘攣胸腹閉結以致氣絕或因白血赤血帶下等症顏色蒼白身體瘦弱

憂鬱諸病

心思鬱結心悸怔忡終夜不眠焦慮小事呼吸急迫其餘一切經血不調

邪氣上衝 及頭痛眩暈耳鳴耳聾肩背痠痛腰腿痠冷

經水不調 或經行失期女子已至十七八歲未見經血

經期不順 腹大如塊其餘因經行不調所生諸症

產前產後諸症 產前產後諸症嘔吐承疔易墮流產難產及產前浮腫

產後諸症 產後惡露不下手腳面黃浮腫或麻痺其因產後不潔飲食所生諸症

藥價

四禮拜分洋二元

三禮拜分洋一元一角

一禮拜分洋六角

四天分洋三角五分

二天分洋二角

○中將湯各地藥舖均有分售

○總發行所東京本藥房其藥症請註為佳

大清國總批發處上海英租界馬路東亞公司大藥房



中將湯

南菁學堂定期開學 江陰 ○江陰南菁學堂刻已定期於正月二十四日開校各屬肄業諸生想日內即須前往矣(容)

蘇州女士至仙鎮演說天足 揚州 ○揚州仙女鎮亦濱江大鎮集也茲有蘇州天足會女士二人於新正遊歷至鎮遂於十五日午後在該鎮某處演說天足公理聽者俱拍手稱善(超)

紀滬商公會開會集議事

○昨日保安堂集議滬商公會到者五十餘人姓名住址職業均登注於冊追開會始

舉楊錦春君為總董以事辭繼舉郁屏翰君亦以事辭後乃舉定胡季梅君其餘事宜俟再開會集議(助)

滬城官事

○本縣學師杜子煥廣文學謙昨日到道稟知前赴義江學堂公幹

○候補知府沈慶虞太守鳳韶昨日稟知由蘇公回○本邑留防隊隊官袁廷華洪連勝余忠勝魏廷樑等四都戎昨

日稟知由松江回○上海縣汪瑤庭大令英美公廨謝員關綱之司馬法公堂委員陳楚生大令貨捐局總辦鐵松巖太守二十三七鋪

巡局委員楊聘候二尹朱峒仙二尹浦東總巡謝岳松明府警察東局委員郁少甫二尹南局黃蓉繁二尹等昨均因公到道稟見(君)

會辦督省 ○製造局會辦方碩甫觀察前晚乘輪赴甯謁見江督稟陳要公(實)

縣憲赴蘇 ○上海縣汪大令昨日至道稟請假赴蘇叩賀各大憲年禧(君)

謝委幫審 ○滬南總工程局正裁判官孫耳山明府乃洛昨日到道稟謝奉委英公堂幫審差○又府經歷馬參軍洪勳昨亦到

道謝奉委上海縣幫審差並稟知即日到差(君)

總董陳情乞退 ○滬南總工程局領袖總董李平書明府稟陳道憲袁觀察謂近來精力不逮且丁母艱局務當開辦之初應加

整頓恐誤要公是以懇准辭退云云未知能邀允准否也(尺)

襄讓辭差 ○英美公廨襄讓委員金鞏伯大令具稟道憲辭差回籍業奉批准遣差由袁觀察札委總工程局正裁判官孫耳山

大令兼辦蓋以大令曾任此差可以收駕輕就熟之效也(當)

關司馬上滬道稟 (為待罪西捕不應到堂事) 竊照卑府公堂滋事一案業蒙商務總會虞紳等與工部局董議准

將毆差辱官之楊樹浦西捕頭爾爾斯查明如有不合之處即予嚴辦等因在案詎於本年正月初七日即禮拜三早堂開堂時該西捕

頭公然仍行到堂帶案請訊當經幫審金令查得該西捕係屬待罪之人理應靜候查辦不應仍來公堂與英德副領事述明該西捕不

應到堂之理而該西捕所帶之案因是日訊案過多致未訊及次日禮拜四早堂又見該西捕來堂金令以和平辦事為宗旨當日仍將

該捕所帶之案從權會訊惟該西捕解案究與商會及工部局所議辦法不合未便任其再行照常來堂帶案除函致領袖比總領事查辦外理合稟請鑒核俯賜轉致領袖比總領事迅即查辦見復示遵

關司馬上滬道稟

(為內地協提人犯毋庸過堂事)

竊去年十一月間准蘇州元和縣移以李洪義控徐六三窩匪吳國清等將伊六歲之子拐去等情一案訊據吳國清供係女身改扮男

裝聽從徐高氏起意拐抱李洪義小孩赴上海託老婦白頭鷹將小孩賣在福仁里第三家廣東人爲子專差移請查提老婦白頭鷹及

李洪義之子解訊等因當經選派幹役會同來差前往協提即於去年十二月二十三日將老婦白頭鷹即王張氏提解公堂過堂其時

係兼理幫審孫令會同英德副領事會訊原擬派差帶同王張氏指提小孩後於次日元和縣來差到堂聲稱商輪定於是日停班度歲

蘇州待訊此案甚急請先將王張氏解蘇訊究此係內地移提人犯並非租界之事主權在我元和縣既待訊甚急應即照准移解旋准

英德副領事以小孩未經提到須王張氏指提曾經卑職爭論至再因小孩確未提到姑照所請將王張氏向元和縣索回現正在飭帶

王張氏指提問忽於初八日字林西報登有工部局致領袖總領事函以卑職更改各領事所立女犯章程又云與一千九百零二年六月各公使批准所議章程違背深望各領事撤其職位等語卑職查

閱之下深堪詫異報內所登諒非捏造當查光緒二十六年六月奉札抄發西歷一千九百零二年六月初十日各國駐京大臣核准公

堂權限章程內開第二條刑名案件如與洋人不涉華人有犯租界章程即在所犯之租界公堂審訊又第三條第三節云知原告爲法

人而被告之華人居住公共租界者應在法租界公堂控告惟拘票須由領袖總領事簽字然後由法公堂差役會同公共租界捕房派

捕協提毋庸先在公共租界公堂訊問等語查王張氏在內地元和縣犯事來文移請協提與洋人毫無干涉亦未犯租界章程與原告

爲法人被告華人居住公共租界由法公堂差役會同協提毋庸解送公堂訊問情節相同今卑職於元和縣差來公共租界協提王張氏按章簽差提到移解並無不合今反指爲違背不知是誠何心且

以公共租界視法界幾同他處州縣無異彼此不相聞問提人則按章辦理想文明之工部局董知英法德等國與中國邦交最篤決不於法界協提人証則按章程辦理於中國內地提人則違章責備卑職

一官去就本不足惜若國權則絲毫不敢稍失至稱各領所立女犯章程究竟若何亦屬無從查悉人係華婦事係華事必須華官允准方能照行何得謂之更改所云尤不可解合抄章程報紙稟請仰祈

電鑒俯賜照會領袖總領事轉飭工部局凡內地協提人犯均照各公使核准之第三條第三節核辦由廉協提毋庸過堂訊問實爲公便(外)

紀泰寧輪船試水情形 ○正月十八日下午三句三刻鐘滬南十六鋪永裕碼頭英商祥茂輪船公司新裝泰寧輪船試水開駛

吳淞返時抵岸祇四句三刻鐘速力之快可想而知計每點鐘可駛十二邁線長一百四十餘尺闊二十四尺可容客千餘人係去年從

香港廣德興船廠裝造質料堅良裝潢美麗電燈之明亮應酬之週到房間之清潔洵稱完備至於舵工駕駛足與歐西人相伯仲聞該

船由滬往來通州一帶內河輪船當以此爲冠云(調)

東請監視開彩 ○昨爲南洋彩票公司在江西會館今正初次開彩之期故由總辦南●諸海防秦司馬右營周叅戎以及印委各員並總工程局裁判官孫明府到場監視 (實)

公館失竊 ○新開路會稽徐公館遺丁投報捕房稱前夜上房失去箱內銀元衣節約值七百餘金開單請緝等情捕頭准即派探邵仁初徐阿華傳同西探往勘察得箱上之鎖似係竊後仍行鎖上完好如故並無別項痕跡疑有內線回明捕頭緝辦（力）

稟控挪川鉅款 ○家丁高升投英美公廨稟稱家主二品頂戴分省補用道李培植與夏毓芝在上海股開慎記書局被夏私做小貨肥己虧公挪川莊款數萬之鉅爲此稟粘合同求提理追等情讞員關司閱稟之下簽差吳善至捕房協同包探方長華將夏提獲暫行看管旋經保出俟今日解堂訊核 (力)

總巡捉賭 ○浦東總巡謝岳松明府前晚訪悉浦東八埭頭地方有屢辦不悛之各著名流氓仍在彼處設賭抽頭並雇無賴演唱淫詞情事故會同水巡捕前往拘獲賭徒二十四人到局押候訊究（嚴）

劫案報捕 ○美界下海浦廟後王母宮之傭婦黃施氏投捕房報稱前晚被匪徒多人破門而入搶去衣服銅爐等件請予查緝捕頭得報當飭各包探查拿務獲以憑送解嚴辦 (例)

小工猝斃 ○小工石阿二前晚至元芳路大昌小客棧投宿
昨晨猝斃命由棧主楊榮華投報捕房飭探協保查明棺殮（似）
法廨停訊 ○昨日禮拜一法公廨堂期緣逢各署開印職員
陳大令先期咨照捕房循例停訊（臨）

上海縣案 ○蔡經一投縣賊寃當晚奉汪大令提訊蔡供與叔母李氏同住西門外泰亨里昨夜十一句鐘忽開門响詢問何人不應旋有兩人走入樓下陸姓家內陸姓因欠債逃避小的下樓察看見兩人與陸姓之女同睡床上一人見而逃去尚有吳姓一人竟與小的爭鬧當訴管門人及地保知悉均置不理因控巡局提吳訊究奉局憲罰洋二十元由吳自交善堂了案詎料吳父一峰忽至小的家內吵鬧爲此喊控求鑒大令判候查明核辦○同來發煙店主吳長生控店夥王寶寶費雲生私刻圖章至永仁興冒取貨物亦奉提訊王供由費雲生以店中發票命小的至永仁興取香烟十匣每匣洋一元三角後來費又自往取貨費供在金吉泰烟店爲夥圖章係王寶寶刻藏大令判各責一百板交差傳兩人之父到案賠洋再核○去歲夥搶陳德福

家衣飾之劫犯陳阿福前晚提出願抵稱由壽壽頭料小的等一共九人至某主家搶物小的害怕未入事後經壽壽等分給衣飾六件是實大令核與前供無異判仍還禁聽候解府審勘(嚴)

總工程局紀案 ○五馬路同茂土行虧空南市客錢莊銀二萬七千餘兩前日由行主鄭熙堃至施家弄乾元莊婉商莊主不允協同大豐等莊將鄭扭控總工程局請為移縣究辦總董准於前晚飭派所丁押送赴縣○豐記碼頭駁船婦馬陳氏扭船夥宋阿毛控被其兄阿狗誘領女孩出外不歸求請捉追等情昨由副裁判官陳二尹提訊氏供女年廿一歲元宵日被阿狗誘出二尹判限阿毛尋交到案再候復訊○向為報關行業之吳金奎住王家嘴角去年七月姘識寡婦趙金氏刻氏不時吵鬧前日扭吳至局稟請斷離陳二尹立予提訊氏但松江人年三十六歲前失故後生有子女各一刻下不願與吳同處叩求離異二尹准之○祥記碼頭烟間夥莊阿生前日扭烟客張文卿控被其友某甲竊去烟鎗一支亦由二尹提訊判張賠洋一元給莊具領○包探查獲圖竊未成之徐阿六解局請究陳二尹判押捕房一日又查獲賈富繩索之李珍解局請訊二尹訊得係李自已船上之物判即交保(尺)

英租界捕房事 ○顧正記購得羽綢一疋行經河南路被丁阿春攔去顧卽投報捕房飭探陳金標拘獲吊到原贓押候解送公堂訊辦○王連生至福建路三百零七號門牌竊銀角子一百九十個報由包探金立生人贓並獲押入捕房今日解究○周順渭竊某姓東洋車上絨毯一條由探金立生拘押候辦○竊人楊阿堂在途胡鬧由捕拘入捕房飭送公廨安插關司馬命轉送棲流所留養○病人郭開仰臥路偶亦由捕送入捕房轉送公廨司馬飭送棲流所醫治(常)

法租界捕房事 ○西門外巡局前日飭差投法捕房請派探協提搶物沈氓蔡友木一名捕頭飭探同往拘獲解入捕房奉諭押候解堂再核○沈氓張阿金在途搶得車墊十餘個爲包探拘獲捕頭命押候解辦○張阿二周阿三前日在租界行竊各贓亦爲包探拘住送入捕房押候解訊○某甲竊得各贓在押店求質爲包探拘送亦飭押候解堂究奪(臨)

閩北巡局事略 ○閩北巡局員唐秩庭二尹賭禁最嚴昨日訪有王阿六等在租界毗連之某小茶館內抽頭聚賭密派勇拘獲王阿六王阿坤楊老二等多人判爲首之王等三人各責一百下餘俱從寬交保斥釋○江北人吉阿四昨日投局控被同鄉許桂生串同無賴蘇金標將伊妻拐往湖州價賣等情唐二尹准即提許研訊許供吉妻蘇蘇所拐顯代尋覓餘語含糊二尹以其狡展判備文一併送縣訊追(電)

美租界捕房事 ○劉江林陳小弟串竊玉連生家細毛綢衣多件報由捕房飭探朱桂生拘獲押候吊贓送辦○王了頭前因行竊花盆由探朱子藩拘獲押候吊贓送辦已紀本報茲由朱探查得王尙竊北蘇州路及南潯路第十四十七廿一等號門牌洋房花盆數十隻一併吊取原贓俟堂期解訊○流氓張阿春至海甯路馬長根茶肆內強借洋五元不遂將馬兇毆並擊破銅磁等器多件由捕拘入捕房奉飭押候送辦○五百七十五號捕報稱西菲德路永祥里口倒斃無名丐屍一具捕頭飭傳地保報堂棺殮(似)

高歸各柴炭行代售歷年已久情誼和孚近因細事爭執各有意見以致彼此相持不下聞
夏君全木等出為調停於十六日邀集烏山船各客柴炭行各執事在大碼頭匯水樓會
正月為始除行用仍照舊章外另歸各行扣除點腳柴炭每担洋二釐小柴每元洋六厘惟
梅溪上海各柴炭行公具 乙丑三

高玉液每瓶二元四元實價無扣

神藥奇功

柴炭行客廣告

啓者南市烏山船幫客販運柴炭到市向歸各柴炭行代售歷年已久情誼相孚近因細事爭執各存意見以致彼此相持不下開議交易皆非初意所願今由梅溪行東執事夏君全木等出爲調停於十六日邀集烏山船各客柴炭行各執事在大碼頭匯水樓會議捐棄前嫌以敦舊好並公議定自本年正月爲始除行用仍照舊章外另歸各行扣除點腳柴炭每担洋二釐小柴每元洋六厘惟掛牌而售者不扣點腳大衆允從權資遵守恐未周知特此聲明伏乞 公鑒

泰西末士括打秘方創製戒烟新法溥濟水每瓶一元二元燕窩玉液每瓶二元四元實價無扣

梅溪上海各柴炭行公具 乙丑二

泰西末士括秘方創製戒烟新法溥濟水每瓶一元
二元
三元
燕窩玉液每瓶一元
四元
實價無扣

神藥奇功

精衰夢遺溺者服此最能壯陽固精房事不倦○一吸煙人飲食無味大便艱難或成煙瀉者服此能使臟腑調和開胃進食大便如常人一樣○一因吸煙而痰多咳嗽者服此立能化痰止咳順氣止喘○一因吐血而吸煙者服此包能斷癮保不吐血○一吸煙人面黃肌瘦容貌可憎服此能使面貌光潔全無煙色○一性喜吸煙不欲戒脫而又嫌其累者服此依舊可以吸煙如遇要事偶然停吸亦不覺癮○一戒煙之時最思吸煙惟服此水乃俟過癮之後方服隨吸隨戒故能斷癮不覺○燕窩玉液亦另有告白今更撮其後種奇效以見非他種補藥所能彷彿萬一○一老年火衰飲食不化步履艱難服此能補胃健脾行及奔馬○一少年傷於酒色致吐血咳嗽肺痿痰紅服此能潤肺止血咳嗽立愈○一婦女服此調經止帶受孕安胎○一童子虛癆不能受補服此最宜○一瘦弱之人服此一月必然肥壯○一諸虛百損服藥生厭者服此見色味但佳自然歡喜

戒煙水功用服法已另有告白詳載惟此水尙有許多奇妙令人不可思議斷非他種戒煙藥可及茲特撮要錄左○一因病上癮一戒即發原病和服此非但多年老癮諸藥試盡屢戒不脫者服此數日即覺心癮漸淡半月便可除根○一因病上癮一戒即發原病和服此非但斷癮兼能愈病○一因吸煙過多精神疲倦日夜思臥懶於行動者服此即能壯筋健骨精神倍增○一吸煙既久陽痿

口白渡橋北首仁智里十三術括打藥房外埠寄購託郵政局最安無弊

乙二

張道生醫士在滬

張君名維南 羅廣文治傷寒虛勞婦女經帶百病神效 現在寶善街滿庭芳新豐公棧正月十七日起上午出診一元下午門診三角掛號四分逢三六九到南翔次晨雅返勿誤 ○黃公積沈景賢張蓮和鄭彥聲同啓 戊一號

商務類誌

查各單 正月十九日

存銀	存洋	拆出銀數
麥加利	十萬	六十二萬
匯豐	二萬二	二百六
德華	百零九萬十三萬	
正金	八十八萬五十八萬	
道勝	九十七萬十一萬	
通商	二萬	三十三萬六十二萬
東方	十四萬	廿五萬
花旗	八十萬	八萬
華比	六萬	五萬
和蘭	六萬	二萬
街底	一百五十萬	二百萬
共存銀	七百九十二萬	洋六百七十七萬
萬拆出	一百零八萬	

銀行進出款 正月十九日

花旗	金押	八萬
正金	存大條	七十二條
道勝	存大條	一百零八條
匯豐	進洋	十萬
匯豐	進羅卜	十二萬五千
東方	進洋	三萬
麥加利	進羅卜	一萬二千
湖州	來洋	五萬
杭州	來洋	五萬
蘇州	來洋	五萬

滙票 正月十九日 老中廣洋行

銀行電匯	二先令十辨士
銀行即期	二先令十辨士零六二五
銀行本日期	二先令十辨士一二五
銀行四月期	二先令十辨士三一二五
銀行四月期	二先令十辨士六八七五
銀行六月期	二先令十辨士八七五
大條銀	三十辨士一八七五

上海匯至法國

銀行電匯	三佛郎五十六分
商匯四月期	三佛郎六十三分半
商匯六月期	三佛郎六十五分半

上海匯至德國

銀行電匯	二馬克八十九分半
商匯四月期	二馬克九十七分

上海匯至紐約 六十九個

商匯四月期 七十一個

上海匯至印度 二百一十個二五

銀行電匯 二百一十個二五

銀行即期 二百一十個七五

上海匯至香港 七錢二分三七五

商匯四月期 七錢一分三七五

上海匯至日本 七錢二分

銀行電匯 七錢二分

商匯四月期 七錢零七五

金銀錢洋 正月十九日

標金現貨 三百四十三兩

遠期標金 三百四十五兩五錢

足赤 三百五十五兩

沙赤 三百五十二兩

新匯收市 七錢二分五厘五

本洋 九錢六分

小洋 六錢八分一釐五

銀拆 一錢一分

洋錢頭 七錢二分

錢找頭 一千文

銅元 一百五十三千文

市錢 一百三十三千文

衣牌 一千一百文

規銀 一百五十四千串

衣牌 一千一百二十文

絲 正月十九日

昨日匯票仍二百六十五法郎半合銀一

百兩絲市情形較前日為遜今將價目抄

列如左 延昌洋行買線標牌漂陽白

絲十担每擔四百三十五兩 又買藍旗

牌牌漂陽白絲十担每擔四百三十五兩

義字洋行買金船板牌灰經十擔每擔二

百四十七兩半 又買鳳凰牌灰經十擔

每擔二百四十七兩五錢 達昌洋行買

銀鳳牌灰經十擔每擔二百四十二兩五

錢 又買金船板牌灰經十擔每擔二百

四十二兩五錢 禮和洋行買金船板牌

灰經十擔每擔二百四十二兩五錢 又

查南北市鋼鐵情形去歲獲利甚豐盈餘

十餘萬數萬不等茲將昨日南北市價抄

錄如下 茂生鋼條三兩二錢半 沙耶

鋼三兩二錢半 馬牌鋼六兩六錢 鹿

牌鋼五兩六錢 軋拉四兩四錢 大

英馬甲鐵二兩一錢七分半 大馬甲鐵

二兩二錢 勒物浦二兩四錢 倍而成

二兩二錢二分半 好車邊鐵二兩九錢

次車邊鐵二兩八錢 細舊洋元三兩

粗洋元二兩八錢 法西釘四兩 邊鐵

絲二兩六錢 七八八新鐵絲二兩九錢

四五扒新鐵絲三兩四錢半 船板鐵二

兩二錢 鐵性爐子板二兩六錢 字板

剪口鐵二兩四錢 大方塊剪口鐵二兩

六錢 中方塊剪口鐵二兩四錢 狹條

剪口鐵二兩六錢 新洋元鐵板三兩六

錢半 邊元鐵板四兩六錢

棉紗 正月十九日

近日紗市甚滯各客幫銷路不能暢旺昨

日交易不多茲將價目抄列如左 ○本

廠紗 十六支紅團龍九十三兩二錢五

十六支丹鳳九十一兩七錢五 十六支

鐵鋪九十二兩五錢 ○東洋紗 十六

支藍魚一百零一兩七錢五 十六支立

馬九十八兩七錢五 十六支福島九十

八兩二錢五 十六支伏龍九十六兩二

錢五 十六支花蝶九十六兩二錢五

○印度紗 廿支紅人竹九十六兩七錢

五 廿支四同人九十六兩七錢五 廿

支老中外八十六兩七錢五 廿支天

主堂九十六兩 其餘各紗一概無市

棉花 正月十九日

子花每担八元二角 通州花十八兩四

錢 餘姚花十六兩八錢 太倉花十八

兩 四牌子花十七兩四錢 雜牌花十

六兩四錢 九江花十五兩八錢

米麥 正月十九日

常白元米每石四元八角 常白米四元

五角 錫白米四元四角 蘇同雙轉白

五分 泊兒油六兩一錢 有各埠

六兩四錢

郵政 二十日收信時刻

寄往各埠 輪船名 收信時刻

新場泰賢 航船 上午十一點

崇明堡鎮 航船 上午九點半

黃渡 航船 上午八點半

朱家閣白鶴港 航船 上午九點鐘

嘉定安定 航船 按日寄遞

青浦 航船 上午十點鐘

大場羅店 航船 上午十一點

瀏河浮橋 航船 上午十一點

南潯湖州 航船 上午十一點

江灣吳 航船 上午十一點

淞寶山 航船 上午十一點

南翔 航船 上午十一點

七寶泗涇 航船 上午十一點

南匯川沙大團 航船 上午十一點

無錫 航船 上午十一點

松江亭林 航船 上午十一點

涇南橋 航船 上午十一點

張堰楓涇章 航船 上午十一點

練塘莊家巷 航船 上午十一點

蘇州杭州嘉興 航船 上午十一點

塘棲莫干山 航船 上午十一點

力于煥發作

